

**BOSNA I HERCEGOVINA**  
*Konkurencijsko vijeće*



**BOSNA I HERCEGOVINA**  
*Konkurencijski savjet*

**M I Š L J E N J E**

**po zahtjevu privrednog subjekta Amko komerc d.o.o. Sarajevo**

**Sarajevo,  
juni 2015. godine**



Broj: 01-26-7-07-2-I/15  
Sarajevo, 25.06.2015. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po zahtjevu privrednog subjekta Amko komerc d.o.o. Sarajevo, ul. Kolodvorska br 12, 71 000 Sarajevo, zaprimljenog od strane Konkurencijskog vijeća dana 23.02.2015. godine pod brojem: 01-26-07-I/15, Konkurencijsko vijeće, na 106. (stotinušestoj) sjednici održanoj dana 25.06.2015. godine, donijelo je

### **M I Š L J E N J E**

Privredni subjekt Amko komerc d.o.o. Sarajevo, ul. Kolodvorska br 12, 71 000 Sarajevo (u daljem tekstu: Amko komerc ili Podnosilac zahtjeva), podnio je Konkurencijskom vijeću Zahtjev za davanje mišljenja u vezi postojanja obaveze podnošenja prijave koncentracije (u daljem tekstu: Zahtjev), zaprimljen dana 23.02.2015. godine pod brojem: 01-26-07-I/15.

Podnosilac zahtjeva traži mišljenje od Konkurencijskog vijeća u vezi postojanja obaveze podnošenja prijave koncentracije obzirom da namjerava izvršiti postupak pripajanja privrednog subjekta TD Marketi d.d. Sarajevo, ul. Kolodvorska br 12, 71 000 Sarajevo.

Podnosilac zahtjeva u Zahtjevu navodi:

- da privredni subjekt Amko komerc, koji zapošljava (..) <sup>1</sup> radnika, obavlja poslove maloprodaje prehrambenih i neprehrambenih proizvoda u (..) maloprodajnih objekata te poslove veleprodaje – skladišta u dva diskonta;
- da je ukupno ostvareni godišnji prihod privrednog subjekta Amko komerc u 2014. godini iznosio (..) KM;
- da privredni subjekt Amko komerc posjeduje (..) % vlasništva u osnovnom kapitalu privrednog subjekta TD Marketi d.d. Sarajevo, ali da isto djeluje samostalno na tržištu kao zasebno pravno lice;
- da privredni subjekt TD Marketi d.d. Sarajevo, koji zapošljava (..) radnika, također obavlja poslove maloprodaje prehrambenih i neprehrambenih proizvoda putem (..) maloprodajna objekata;
- da je ukupno ostvareni godišnji prihod privrednog subjekta TD Marketi d.d. Sarajevo u 2014. godini iznosio (..) KM;
- da oba privredna subjekta nemaju tržišni udio veći od 40%.

---

<sup>1</sup> (..) Podaci predstavljaju poslovnu tajnu

Konkurencijsko vijeće u vezi obaveze prijave koncentracije navodi:

Članom 12. stav (1) Zakona o konkurenciji propisano je šta se smatra koncentracijom i to:

a) spajanje ili pripajanje nezavisnih privrednih subjekata ili dijelova privrednih subjekata;  
b) sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:

- 1) sticanjem kupovinom većine dionica ili udjela osnovnog kapitala; ili
- 2) sticanjem većine prava glasa; ili
- 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;

c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U skladu sa naprijed navedenim, smatra se da privredni subjekt TD Marketi d.d. Sarajevo nije nezavisni privredni subjekt (nego povezano društvo privrednog subjekta Amko komerc), te se na isto ne primjenjuju odredbe člana 12. Zakona o konkurenciji.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednica**

**Maida Čampara**